



REGIONE AUTÒNOMA DE SARDIGNA
REGIONE AUTONOMA DELLA SARDEGNA



PROVINTZIA DE SU SUD SARDIGNA



COMUNU DE TEULADA

Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018.

MANCÀNTZIA DE MÈIGUS DE FAMÌLLIA IN TEULADA, S'ALLARMI DE SU SÌNDIGU

Malàdius in perìgulu, custringus a fai fidi a sostitutus o a mèigus chi funt giai prenu de assistius, fintza po una ritzeta mèiga simpli.

Su problema de sa mancàntzia de is mèigus generalis est una chistioni chi pertocat sa Sardinnia intrea, pruschetotu is zonas perifèricas e prus pagu bìvias de s'Ìsula. Teulada, sa bidda de su sud Sardinnia, connota po is plajas famadas e is miradas de su mari de spantu, s'agatat a fai fronti a chistionis manns po sa mancàntzia de unu de is mèigus de famìllia.

Fintzas a calincunu annu a oi sa bidda gosada de cuatru mèigus de famìllia, ma sigumenti non ci funt stètius mudaduras perunu de is chi funt andaus in pensioni, de su 1 de cabudanni in Teulada est a disponimentu sceti unu mèigu de meixina generali.

Duncas est fàcili a cumprendi chi in una popolatzioni de 3.400 abitantis, giai sa mitadi de is manns est abarrada chentza de assistèntzia sanitària de importu. Biu ca Teulada est atesu meda da is spidalis printzipalis e tenit una percentuali de popolatzioni antziana cun difficultadi a si spostai in is biddas lacanas, sa chistioni depit essi manixada de pressi.